

Date – 07/01/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Rural Development Minister Prof. Lalnilawman Ni 100 inhlawhna MGNREGA thlaktu tur ‘Mizoram VB – G RAM G Scheme 2026’ ruangam chu duan nghal a nih thu leh peih fel a nih tawh thu a sawi.
2. Deputy Speaker Pu Lalfamkimaan fur ruahtui tlak hma thla 4 vel chhungin a chak thei ang ber leh tha tak a National Highway 306 leh 06 siam that a tul a ti.
3. Sawrkar laipui chuan Public Private Partnership (PPP) pipeline project kum thum chung a kalpui dawn.
4. Prime Minister Narendra Modia flagship plattform Pro-Active Government and Timely Implementation, PRAGATI chuan hlawhtling takin thutkhawm vawi 50 na tluang takin a hmang zo.

<><><>

G-RAM-G

Rural Development & Administration Department Minister Prof. Lalnilawman Ni 100 inhlawhna MGNREGA thlaktu tur 'Mizoram VB – G RAM G Scheme 2026' ruangam chu duan nghal a nih thu leh peih fel a nih tawh thu sawi a sawi

Nimina Vikshit Bharat – Guaranteed Rozgar & Ajeevika Mission (Gramin) Act 2025 (VB – G RAM G Act 2025 chungchang zirhona Rural Development & Administration Department Prof. Lalnilawma hova neihah he thu hi sawiin Minister chuan VB – G RAM G chu State tin te tan thla ruk chhunga Scheme buatsaih tura tih an nih angin, Mizoramah pawh RD&AD hmalaknain 'Mizoram VB – G RAM G Scheme 2026' ruangam chu duan nghal a nih thu a sawi a, tun Budget Session lo awm turah he Scheme hi Legislative Assembly-a pharh hman gei a nih tur thu a sawi a ni.

He huna tarlan anih danin, VB – G RAM G hnuaiiah hian kum khat chhungin thingtlang mipuite hnenah ni 125 tal inhlawhna pek a nih tur thu te, MGNREGA hnuaiia mipui inhlawhna (Wage Component), Central sawrkarin zaa 100 funding a pek thin ang chu 90:10 sharing pattern a nih tawh tur thu te, sawrkar kum khat chhunga mipui inhlawhna Labour Budget hman-a pek thinte pawh normative allocation hman-a State tina sum pek a nih tawh tur thu te, thingtlang loneitute'n an buh tuh leh buh seng buai laia anmahni hna-a an inpumpek theih nan kum khatah ni 60 chhung tal VB – G RAM G hnuaiia hna thawh tur chawlh a nih tur thute a tel a, hei bakah hian G RAM G hnuaiia hnathawh tur reng reng chu Vikshit Gram Panchayat Plan-a thun vek a, Block leh District-a pawm a nih hnuah State Sawrkarin pawm ve lehin, Viksit Bharat National Rural Infrastructure Stack-a thun luh te chauh hna thawh theih a nih tur thute sawi a ni.

He sawihona leh zirhonaah hian, Pu R Zarzosanga, Commissioner & Secretary, Rural Development & Administration Department leh officer dangte pawh an tel a ni.

<><><>

TLAIZAWNG PARADISE

NI 2 AWH Tourism Department bultuma 'Tlaizawng Paradise' buatsaih chu vawiin hian Tuivai leiah neih chhonzawm a ni ang.

Tlaizawng Paradise hi nimin khan Assembly Speaker Pu Lalbiakzaman vawiin khan Tuivai leiah a hawng a. Tourism department Minister Pu Lalnghinglova Hmar chuan he hun hi hmanpuiin Tourism Department-a thawktute, Phuaibuang leh Luangpawng khawtlang hruaitute leh chhimtu thahnem tak an tel a. Tuivai lei bul, sangha humhalhna pawnah a vawi khatna atan 'Nghakuai chiah runpui' buatsaih nghal a ni a, mi 600 bawr velin nghakuai an chiah a ni.

Pu Lalbiakzama chuan leilung hausakna leh mawina hmanga zin mite hip thei tura Phuaibuang khua a 'Tlaizawng Paradise' buatsaih a ni chu lawmawm a tih thu a sawi a. An khaw mawina hluta tlawhtu mikhualte lawm taka dawnawn thiam a pawimawh thu sawiin chumi tur chuan khawtlang tanrualna leh thawhhona a pawimawh thu a sawi bawk a ni.

Tourism Minister Pu Lalngchinglova Hmar chuan Tlaizawng Paradise buatsaihna hian Phuaibuang leh a chhehvel khaw hrang hrang tan, zin mite kaltlangin, kawng engemaw tala hlawkna an hmuh a beisei thu a sawi a. Ram leilung hausakna humhalh chung si a zin mite hip thei tura, a mawinate hman thiam deuh deuh a pawimawh thu a sawi a. Phuaibuanga 'Tlaizawng Paradise' hian Tourist hipna kawngah hmasawna a thlen ngei a beisei thu sawiin Tourism department ruahmanna tihlawhtling tura khawtlang hruaitute inpekna ah lawmthu a sawi bawk a ni.



Nh 306 & 06

Deputy Speaker Pu Lalfamkimaan fur ruahtui tlak hmain thla 4 (li) vel chauh hun tha a awm tawh a, hemi chhung hian a chak thei ang ber leh tha tak a National Highway 306 leh 06 siam that a ngai a ti.

Nimin khan helai kawngpui mek chungchang thlirin Kolasib Deputy Commissioner Conference Hall-ah Bialtu MLA leh Mizoram Legislative Assembly Deputy Speaker ni bawk Pu Lalfamkima leh district thuneitute an thukhawm a.

He hunah hian Kolasib Bawrsap Pu Robert C. Lalhmangaiha chuan National Highway chhe zual lai siamthat hna chu mipuite nitin khawsakna nghawng a nih avangin ngaih pawimawh a tul thu a sawi a. Kumin a District Level meeting hmasa ber Bialtu MLA-in a hmanpui thei chu thlamuanthlak a tih thu sawiin, an thutkhawmna pawhin rah tha tak a chhuah ngei a beisei a ni, a ti.

Pu Lalfamkima chuan nikum fur laia kawng chhiat avanga harsatna an tawh ang kha mipuiten an tawh nawn tawh loh nan theihtawp chhuah a tul thu sawiin, vantlang lirthei leh bungraw phur lirtheite harsatna tawk lova tluang taka an tlan theih nan kawngpui siam chu a hma zawng aia ngaih pawimawh zual a ngai a ni tiin, fur ruahtui tlak hma ngei a peihfel tura tan la turin NHDCIL aiawh leh contractors kalkhawmte chu a hriattir bawk.

Meeting-ah hian NHIDCL General Manager leh Contractor te hnen atangin an hnathawh tawh chin, hmachhawp leh an harsatna te ngaihthlak a ni a. Kawng siam nana bungraw mamawh te pawh a thatawk a awm thu tarlan niin, a tul zual lai bik te chak taka thawh an tum thu an sawi bawk a ni.

He thutkhawmah hian kawng siamtute bakah Sub-Hqrs YMA hruaitute, Joint VC aiawh leh sawrkar mi pawimawh dangte an tel a ni.



TZP ANNUAL CONF

East Tuipui biala Tuipuiral Zirlai Pawl (TZP) chuan an pawl inkhawmpui lian, Annual General Conference vawi 41-na leh an pawl in Kum 40 a tlin, Ruby Jubilee lawmna chu ni 5 khan Sazep Community hall ah hmang tanin nizan khan palai thlahna inkhawm an hmanga, tukin zingah Vantlang tana hna tangkai thawhna hun hmangin inkhawmpui an tiak ang.

Rorel inkhawm a an rorel zingah an bial chhunga Zirnain hma a sawn theih dan tur chungchang te, An bial chhunga damdawiin te tihchangtlun leh zual dan turte leh an bial chhunga hmasawna hnathawh enzui dan tur chungchangte a tel a, hemi hnu hian kum khat chhunga hruaitu tur an thlang nghal a ni.

Tuipuiral Zirlai Pawl (TZP) hian East Tuipui Bial a khua zawng zawngah Branch dinin tun dinhmunah Branch 24 an awm mek a ni.

<><><>

KHAWZAWL PS

Khawzawl Police Station-ah nikum 2024 chhung khan thubuai 63 ziahluh a ni a, kuminah hian thubuai 2 ziahluh a ni tawh bawk.

Khawzawl Police Station-a nikum chhunga thubuai ziahluh te hi BNS hnuaiah 34 leh Non-BNS hnuaiah 29 a ni a. BNS hnuaia Case ziahluh zingah hian ruk ruk leh in rawk Case 20, pawngsual Case 1, mipat hmeichhiatna lama mi khawih chingpen Case 1, mi bihthlak Case 1, inbumna case 4, kut inthlakna Case 1, invauna Case 2, Motor accident a thihna thleng Case 2, nupui kutthlak Case 1 te a ni.

Non-BNS hnuaiah hian ND&PS Act hnuaiah Case 11, POCSO Act hnuaiah Case 10 leh MLP Act hnuaiah Case 8 ziahluh a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

TRANSPORTATION OF BODIES

Mizoram sorkarin khualkhuaa thite ruang phurh man a tumsak thin chu online hmanga dil theih turin portal siam a ni a, tlangzarh thuai beisei a ni.

Ruang phurh man buaipuitu Social Welfare department hotute atanga Akashvani News Aizawl thudawn danin, ruang phurhna senso sorkarin a tumsakna hi kum 2024 September thla khan hawn a ni a, hemi kum vek December thla atangin ruang phurh man hi pek tan a ni.

Ruang phurh man pek chhuah a ni tan atanga nikum December thla thleng khan ruang 1,680 phurh man atan Mizoram sorkar chuan cheng nuai 175 sing 8 sang 5 a seng tawh a; kuminah hian sorkar office ni 2 chiah hawn ala nih avangin pek chhuah ala awm loh rualin, pek chhuah tur erawh engemaw zat a awm thung.

Mizoram sorkar chuan ruang phurhna senso tur hi kum 2024-25 leh 2025-26 atan budget-ah cheng nuai 500 ve ve a dah a; ruang phurh inkaihhraina in a tarlan danin, ruang phurh tur chu a thlenna tur km. 20 aia hnai a ni tur a ni lo a, km. 20 piah lamah chuan tu tan pawh hman theih niin, lirthei thlen theih chin a huam a ni.

Inkaihhraina ang chuan, ruang phurhna lirthei hman man chu State Transport Authority in rate a siam anga kalpui a ni a, ruang phurhna man sorkarin

a peksak hian lirthei pakhat chiah a huam a, ruang phurh nana lirthei hman (hire) theihah hian cheng nuai 17 man chin chunglam lirthei a huam lo.

Ruang phurhna hlat zawng chhût nan ruang chhuahna atanga a dahna hmun inkar hlat zawng lâk tur a ni a; lirthei thlen lohna khua a nih chuan lirthei thlen theih tàwpna thleng a ni. Ruang phurhna chu kawng tawi thei ber hman tur a ni baw.



AMC

Aizawl khawpui bawlhhlawh paihna Solid Waste Management Center (SWMC), Tuiriala bawlhhlawh chhûn khawm nikum 2025 tàwp lama kâng chu thelh mih ni tawh mahse, a chhung lamah mût a la awm avangin AMC thawktute'n ni tin thelmih tumin an vil mek a; bawlhhlawh kâng hi hâl a nih loh thu an sawi.

Akashvani News Aizawl zawhna chhangin AMC hotute chuan, nikum kum tawp lama Tuiriala bawlhhlawh chhûn khawm kâng chu Fire & Emergency Services nen tangdunin an thelh mih tawh thu an sawi a, bawlhhlawh chhûn khawm chhungril lamah a mût a la awm a, thál lai a nih avangin kângmei chhuak leh palh thei vengin tuiin an puh reng thu leh hunpui vuakvétah pawh chawlh nei loin nitin an vil a; Fire & Emergency Services lam pawhin a khât tawkin an puiah reng thu an sawi.

AMC hotute chuan bawlhhlawh kâng chu hâl a nih loh thu sawiin, a kan palh an hlahz zawk thin thu an sawi a; tuna bawlhhlawh mût hi tihreh vat a tul thu leh theihtawp chhuahin nilengin tuiin an puh mek thu an sawi a; bawlhhlawh paihna hmun kâng vang hian Aizawl khawpui bawlhhlawh paih dan erawh a kaihlak phah loh thu leh a mût lohna laiah dah khawm zel a nih thu an sawi baw.

AMC hotute chuan bawlhhlawh paihtu leh khawntute'n an thliar hran that tâwk loh vanga bawlhhlawh tawih thei lo (dry waste) zinga tawih thei (wet waste) inup lumin temperature sang tak a siam thin thu leh chu chuan gas kâng hma chi (methane gas) siamin harsatna an tawh fo thu an sawi a; bawlhhlawh tawih thei lo zinga paih tel phal loh - battery, mobile phone, electronic item chi hrang hrang paih tel an awm avangin bawlhhlawh dahkhawmnaah hian kângmei a lo chhuah fo tawh thu leh theihtawp chhuahin thelmit turin hma an lak thin thute an sawi baw a ni.



PIPELINE

Sawrkhar laipui chuan Public Private Partnership (PPP) pipeline project kum thum chhung a kalpui dawn a. Union Budget 2025-26 a lo puan tawh tihhlawhtlinna tur a ni a. Union Ministry of Finance sawidanin project 852 kalpui tur niin Central Infrastructure Ministries leh States leh Union Territory te nena belkhawmin cheng vaibelchhe nuai 17 chuang hu project kalpui a ni ang.



PRAGATI

Prime Minister Narendra Modia flagship platform Pro-Active Government and Timely Implementation, PRAGATI chuan hlawhtling takin thutkhawm vawi 50 na a nei zo a. PRAGATI hi kum 2015 atanga kalpui niin sawrkhar inrelbawlina kawngah chiang zawkin sawrkhar hna kal dan vil anih bakah Prime Minister hoin hmasawna ruhrel lian project pawimawh leh mipui lam atanga lungawilohna thlente thlirho

thin a ni a. He platform hian sawrkar thuneihna inkhaidiat chu nghet zawka kalpuiin sawrkar laipui, state sawrkar leh Union Ministry te chu tumkhatah thawhhona tur a rawn siam a ni. Heng platform hnuai project hlawhtling zingah India-a rail-cum-road- bridge sei ber leh Asia a sei ber dawttu Bogibeel lei hi a ni a. Hmarchhak state te tana nunna hna pawimawh tak niin Assam leh Arunachal Pradesh a tan tlang a. Km 4.9 a thui he lei kaltlang hian Upper Assam leh Arunachal Pradesh a khawsa mi nuai 50 chuang tan inkalpawhna tha tak a siam a ni. He project hi PRAGATI kaltlangin PM Modi hova uluk taka vil a ni a. Kum 2018 December ni 25 khan hman theih tura hawn a ni ta a ni.

<><><>